



La Val s'è stenta a rové te partida y se descēda purmó tla secunda pert, le resultat vëgn rosedé y trëi punc d'or portá a ciasa.

Sciöche bel dit é la squadra da Gais che tēgn le sceter dl jüch tla man tl prüm tēmp. I sogadus da La Val se stēnta cotan da sughé le palé sön le ciamp lerch da Gais y la prezijiun di passaji é daldöt asēnta, ala squadra ti mancel l'agresivité che ai à desmostrè tles ultimes partidas. Bele al 10[^] perd le defensur ladin le palé al limit dl'area, le portier mēss insciö contrasté le atacant por evité le vantaje. Le protagonist dl dé Sepl fej gran parüda sön chēsta trata dai önescmetri, le palé rebatü vëgn ciamó n iade trat cuntra porta, la reativité dl'un da La Val é fenomenala, insciö vëgn ci chesc palé architè sö. Püch dô se fej lerch l'atacant puster cuntra porta y vega na trata bassa, le curan ti sciampa por püch a Sepl mo vëgn ciamó architè sö dal medemo sön la linea de porta. Al 35[^] toma spo le gol sön önescmetri por le Gais: sön na trata de puniziun vëgn l'ultim atacant tigní dal defensur, l'arbiter sciüra indô la puniziun mascima senza dubité, che vëgn trata bun por l 1 a 0.

Le pröm temp se stluj jö sön le resultat de 1 a 0 por le Gais

Tl secundo tēmp é spo la partida che tol n'atra strada, al é i sogadus da La Val che ne se lascia nia plö druché zeruch y conzed püch. Al 75[^] vëgn Michele sorví dal mezciamp y röia sú dan porta, le defensur alrunggëia la giama sön l'atacant gaujan le fal dl' önescmetri por La Val. A trasformé la mascima puniziun é le capitan Stefan che pēnsa. Do la parité ciafa i sogadus plö coraje y crëi tla devēnta, ai fej inant presciun y al 85[^] ti garetel le vantaje: le palé passé zeruch al portier vëgn ataché da Alexander, le un dl Gais prô de tra demez le curan che ti röia ados al'atacant ladin che pó esulté ciaran pro ala cogura che röia te rëi. Le gran laur defensiv da pert de düta la squadra che combat cina ala fin por defënn le resultat y che ne fej nia ji te porta i avversars ti garantësc insciö la devēnta a La Val.

Gais – La Val 1-2

Formaziun La Val: 1. Josef Kantioler, 2. Martin Ploner (dal 50^a Luca Pescollderung), 3. Werner Sottara, 4. Marco Castlunger, 5. Christian Dapoz, 6. Nagler Max (dal 45^a Franz Tolpeit), 7. Sottara Marco (dal 65^a Egon Frenes), 8. Michele Campeï, 9. Alexander Miribung, 10. Stefan Sottara - capitan, 11. Samuel Winkler

Goi por La Val: Stefan Sottara al 75^a, Alexander Miribung al 85^a

Proscima partida: *In dumënia ai 25 de setëmbër dales 15:30 a La Val cuntra le Mühlwald*

Atri resultac:

Altherren: La Val – Rodenech/Vals: 2-4

Juniores (Val Badia): Val Badia – Gherdëina: 2-4

Allievi (La Val): Stegen – La Val: 5-0

Giovanissimi (La Val): Valdaora – La Val: 13-0

U10 (San Martin / La Val): S. Martin/La Val – Alta Badia II: 5-1